



**R. P. Antonii De Escobar Et Mendoza, Vallisoletani,
Societatis Iesv Theologi, Vniversæ Theologiæ Moralis,
Receptiores Absqve Lite Sententiæ nec-non
Problematicæ Disquisitiones ... Volumen ...**

Triplex Statvs; Ecclesiasticvs, Religiosus, & Sæcularis

**Escobar y Mendoza, Antonio de
Lugduni, 1663**

Cap. 5. Sex Titulos à Simonix labe excusantes annúmero.

[urn:nbn:de:hbz:466:1-80707](https://nbn-resolving.org/urn:nbn:de:hbz:466:1-80707)

mittuntur. Lessius l. 2. cap. 35. n. 87. Suar. l. 4. c. 35. n. 18. Reginal. l. 23. n. 250. Bonac. de si. mo. d. 1. q. 4. §. 14. n. 4.

27 *Quid permissum sit obortu lite de re spirituali partibus.*
 Lite de Ecclesiastico beneficio oborta, vel de aliare spirituali, non prohibentur partes gratis, & amicaliter inter se eam componere: quod duobus modis fieri potest. Primo, si unus sponte & gratis iure suo cedat, sitemque deferat: nil autem obstat quominus postea donum ex gratitudine sibi oblatum accipiat. Secundo, si in arbitros compromittant, ut illi parti rem eam adiudicent, quae potiori iure nisi videtur. Transactio tamen simoniaca est, in qua ex una parte beneficium Ecclesiasticum, ex altera vero parte res temporalis datur, remittitur, aut retinetur. Quia transactio reciprocus contractus, & species quadam commutationis rei temporalis cum spirituali. Cap. Cum pridem, de pact. Bonac. d. n. g. 4. §. 15. n. 3. Profecto licet controuersum, quae circa alias res, vel iura spiritualia versantur, terminari possint, offerendo, vel retinendo aliquid spirituale id tamen concessum non est in materia beneficii, nisi Praelati auctoritas intercedat. Suar. l. 4. c. 51. assert. 2. & 3. Episcopus demum ac iudex delegatus parti litiganti per modum transactionis ad iudicare potest annuat pensionem in compensationem expensarum, vel ad vitae necessariam sustentationem. Cap. Nisi essent, de prabend. Bonac. citat. numer. 9.



CAPVT V.

Sex Titulos à Simonia labe excusantes annuero.

28 *Primus titulus à simonia liberalitatis.*
PRIMVS est Liberalitatis, vel Grati- tudinis. Vnde cum aliqua res temporalis, vel spiritualis gratis mere datur: vel etiam ex gratitudine ob recognitionem alterius rei spiritualis, vel temporalis, Simonia non committitur. Quia non datur tanquam pretium, nec offertur ad extinguendum debitum iustitiae, sed debitum morale, quod non obstat, quoniam id, quod traditur, gratis tradi dicitur. Suar. l. 4. c. 5. n. 4. Laym. l. 4. tr. 10. c. 8. num. 8. Valer. 10. 3. d. 6. q. 16. pun. 3. Nauac. sum. c. 23. n. 102.

29 *Secundus titulus sustentationis.*
SECUNDVS titulus sustentationis. Quia qui altari seruit, de altari debet vivere: cum sustentatio iure naturali debeat. Vnde excusantur Ecclesiastici ministri accipientes pias oblationes, vel alia stipendia ex consuetudine, vel legibus Ecclesiae praescribentibus aliquid pro certis muneribus exhiberi. Tolet. l. 5. c. 88. num. 8. Nauac. 23. num. 106. Filliac. tr. 45. num. 27. & 28. Suar. lib. 4. cap. 45. numer. 7.

30 *Tertius labor extrinsecus seu per accidens.*
TERTIVS est labor extrinsecus seu per accidens ad uictus operari, vel spirituali, ille scilicet sine quo tale opus fieri non potest, quia huiusmodi labor in se est aliquid temporale, pretio estimabile, nec ob constitutionem ad opus spirituale

estimationem amittit, cum ei per accidens, & extrinsece sit adiacens. Nauac. c. 23. numero 101. & 102. Reginal. l. 23. n. 119. Lessi. l. 2. cap. 35. n. 45. Suar. l. 4. c. 21. n. 15.

31 *Quartus est Libertatis priuatio.*
QUARTVS est Libertatis priuatio, vel temporalis commodi, quod quis deserit in spirituale opus gerendo. Quia priuatio huiusmodi est pretio estimabilis: Ergo aliquid pro ipsa accipi potest habita ratione commodi, quod verisimiliter capere potuisset, si se non tali obstrinxisset obligatione. Lessi. l. 2. c. 35. dub. 8. n. 45. Caiet. v. simonia, reg. 4. Nauac. sum. c. 23. n. 106.

32 *Quintus est Inimicitiae vexatio.*
QUINTVS est Inimicitiae vexatio, dum scilicet pecunia traditur ad tollendam vexationem, qua quis circa rem spirituale affligitur. Secus dixerim, si vexatio sit iustitiae enim non licet, media pecunia tollere vexationem, quia parte iusta est. Quia pecunia tradi videtur pro acquirenda re spirituali, cuius vexatio acquisitionem impedit. Cap. dilectus, de simon. Filliac. tr. 45. num. 6. & 7. Nauac. consil. 70. de simon.

33 *Sextus est Consuetudo.*
SEXTVS est Consuetudo, quae quidem solummodo habet locum ad tollendam simoniam iure humano inducitur. Quia lex humana potest consuetudine obligari non solum in partem, verum etiam in totum: non solum quoad penam, verum etiam quoad culpam. Attamen consuetudo non est titulus sufficienter excusans acceptionem, vel traditionem rei temporalis pro spirituali per modum pretij. Quia hoc est intrinsece malum, & simoniacum contra ius naturale diuinum: nulla autem consuetudo potest induci, quae ius naturale, vel diuinum abroget. Filliac. tr. 45. num. 40. Suar. l. 4. c. 6. n. 16. Azor. p. 3. l. 12. cap. 19.



CAPVT VI.

Contra simoniacos penas latas recenseo.

34 *VEL A simonia nisi in Ordine, beneficiis ac Religiosis ingressis, penas iuris ipso facto incurrit.*
NEL A simonia nisi in Ordine, beneficiis ac Religiosis ingressis, penas iuris ipso facto incurrit. Simonia etiam mentali nullo iuris poena feruntur. Quia Cap. Mandato, de simo. Pontifex ait: Simoniaci mentali satis esse, si per solam penitentiam suo satisfaciunt Creatori de peccato, nec resignare debent, quod per simoniam mentalem acquiritur. Nauac. 23. n. 111. Diana p. 4. tr. 4. resol. 157. Tolet. l. 5. cap. 93. numero secundo Syluac. v. Simonia, quasi. 19.

35 *Penae simoniae reales in ordinibus sunt haec.*
PENAE simoniae reales in ordinibus sunt haec. Prima: Conferens ordines est excommunicatus. Secunda: Est suspensus a collatione cuiusvis ordinis, etiam primae coelevationis. Tertia: Est suspensus ab omnium munerum Pontificalium executione. Quarta: Interdictus est illi ecclesiae ingressus. Quinta: Si contra suspensionem, vel interdictionem illud egerit, est suspensus ab administratione iurisdictionis ecclesiae &